

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**R J E Š E N J E**

**o koncentraciji privrednog subjekta KBC Securities NV, Belgija i  
Brokersko-dilerskog društva Senzal a.d., Republika Srbija**

**Sarajevo  
Septembar, 2007. godine**



Broj: 01-02-26-014-12-II/07  
Sarajevo, 21.09.2007. godine

Na osnovu člana 25. stav (1) pod e), člana 42. pod d), a u vezi sa čl. 12., 14., 16. i 18., te u skladu sa članom 24. stav (2) Zakona o konkurenciji («Službeni glasnik BiH», broj 48/05), po Prijavi namjere koncentracije između privrednog subjekta KBC Securities NV, Avenue du Port 12, 1080 Molenbeek – Saint – Jean, Belgija (zastupane po zajedničkoj advokatskoj kancelariji Bojana Tkalčić-Đulić, Olodar Prebanić i Adela Draganović, iz Sarajeva, Alipašina broj 51, 71000 Sarajevo) i privrednog subjekta Brokersko-dilerskog društva Senzal a.d., Cincar Jankova 3, Beograd, Republika Srbija zaprimljene pod brojem: 01-02-26-014-II/07 dana 24.04.2007. godine, Konkurencijsko vijeće, na 50. (pedesetoj) sjednici održanoj dana 21.09.2007. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu pružanja usluga u poslovima posredovanja sa vrijednosnim papirima u Bosni i Hercegovini, koja nastaje sticanjem kontrole privrednog subjekta KBC Securities NV, Avenue du Port 12, 1080 Molenbeek – Saint – Jean, Belgija nad privrednim subjektom Brokersko-dilersko društvo Senzal a.d., Cincar Jankova 3, Beograd, Republika Srbija i to sticanjem ukupnog broja dionica odnosno 100 % učešća u kapitalu Brokersko-dilerskog društva Senzal a.d. Beograd.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u «Službenom glasniku Bosne i Hercegovine», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Privredni subjekat KBC Securities NV, Avenue du Port 12, 1080 Molenbeek – Saint – Jean, Belgija putem ovlaštenog zastupnika zajedničke advokatske kancelarije Bojana Tkalčić-Đulić, Olodar Prebanić i Adela Draganović, iz Sarajeva, Alipašina broj 51, 71000 Sarajevo (u daljem tekstu: Podnosilac prijave), je dostavio Konkurencijskom vijeću dana 24.04.2007.godine Prijavu namjere koncentracije (u daljem tekstu: Prijava), kojom namjerava steći 100% vlasništvo nad privrednim subjektom Brokersko-dilersko društvo Senzal a.d., Cincar Jankova 3, Beograd, Republika Srbija.

Prijava namjere koncentracije je proizašla kao obaveza na temelju člana 14. stav (1) tačka a) Zakona o konkurenciji (u daljnjem tekstu: Zakon), jer je ukupni godišnji prihod učesnika koncentracije ostvaren prihodom od pružanja usluga u poslovima

posredovanja sa vrijednosnim papirima na svjetskom tržištu iznosio preko 100.000.000,00 KM po završnom računu u godini koja je prethodila koncentraciji.

Konsolidovani prihod učesnika koncentracije na dan 31.12.2006. godine :

Tabela 1.

<b>Ukupno ostvareni prihod (KM)</b>	<b>KBC Securities NV Belgija</b>	<b>Senzal a.d.Beograd</b>
Svjetsko tržište	<sup>1</sup> (..)**	(..)**
Bosna i Hercegovina	0	0

Prijava namjere koncentracije podnesena Konkurencijskom vijeću, dana 24.04.2007. godine, nije bila kompletna ni nakon dopune prijave dostavljene pod brojem 01-02-26-014-1-II/07 dana 16.05.2007. godine, te je s toga Konkurencijsko vijeće dana 24.05.2007. godine dopisom broj 01-02-26-014-2-II/07 od podnosioca prijave zatražilo dopunu iste u smislu člana 31. Zakona i Odluke o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 95/06).

Podnosilac prijave dopunio je istu potrebnom dokumentacijom dana 01.06.2007. godine dopisom broj 01-02-26-014-3-II/07, te su se stekli uslovi za izdavanje Potvrde o urednoj i kompletnoj Prijavi, u smislu člana 30. stav (3) Zakona.

Nakon toga, Konkurencijsko vijeće je dana 26.07.2007. godine Podnosiocu prijave izdalo Potvrdu broj: 01-02-26-014-6-II/07, o prijemu kompletne i uredne Prijave.

Podnosilac Prijave je u skladu sa članom 30. stav (2) Zakona, u istoj naveo da namjerava podnijeti zahtjev za ocjenu predmetne koncentracije Komisiji za zaštitu konkurencije Republike Srbije i Sektoru za unutrašnju trgovinu i konkurenciju pri Ministarstvu ekonomije Republike Crne Gore.

Analizirajući podatke iz Prijave i ostalu dostavljenu dokumentaciju, na osnovu koje je izvršena ocjena pozitivnih i negativnih efekata predmetne koncentracije, u smislu člana 17. Zakona, Konkurencijsko vijeće je primjenjujući odredbe Zakona, Odluke o načinu podnošenja prijave i kriterijima za ocjenu koncentracije privrednih subjekata, te Odluke o utvrđivanju relevantnog tržišta («Službeni glasnik BiH», broj 18/06), utvrdilo sljedeće:

### **1. Pravni osnov i oblik koncentracije**

Pravni osnov ove koncentracije je Ugovor broj 4486/07 o kupoprodaji akcija zaključen dana 17.04.2007. godine, između prodavca g-dina Radeta Rakočevića iz Beograda, adresa (..)\*\* Republika Srbija, JMB (..)\*\*, koji ima u vlasništvu odnosno posjeduje ukupan broj akcija u Brokersko-dilerskom društvu Senzal a.d., Beograd i kupca, privrednog subjekta KBC Securities NV, Avenue du Port 12, 1080 Molenbeek – Saint – Jean, Belgija.

<sup>1</sup> (..)\*\*- podaci predstavljaju poslovnu tajnu

Navedenim Ugovorom Podnosilac prijave stiće uz naknadu (..)\*\*običnih dionica u nematerijalizovanom obliku što predstavlja 100 % od ukupnog broja dionica Brokersko-dilerskog društva Senzal a.d. Beograd. Stoga, ovim ugovorom podnosilac prijave stiće 100% udio u temeljnom kapitalu Brokersko-dilerskog društva Senzal a.d., Beograd i postaje obveznik prijave namjere koncentracije, na osnovu čl. 12., 14. i 16. Zakona.

Pravni oblik predmetne koncentracije je sticanje potpune kontrole privrednog subjekta KBC Securities NV, Belgija nad privrednim subjektom Brokersko-dilersko društvo Senzal a.d. Beograd, putem preuzimanja većinskog udjela u osnovnom kapitalu u smislu člana 12. stav (1) tačka b) Zakona.

## **2. Učesnici koncentracije**

### **2.1. Privredni subjekat KBC Securities NV, Belgija**

KBC Securities NV, Belgija, je privredno društvo sa ograničenom odgovornošću osnovano i registrovano u skladu sa zakonima Belgije, sa sjedištem na adresi Avenue du Port 12, 1080 Molenbeek-Saint-Jean, Brisel, Belgija, upisano u Registar pravnih lica u Briselu, Belgija, pod registarskim brojem 0437.060.521. dana 21.03.1989. godine.

U finansijskoj 2006. godini, kao godini koja je prethodila predmetnoj koncentraciji, Podnosilac prijave je ostvario ukupan prihod na svjetskom tržištu od cca. (..)\*\* KM čime je ispunjen uslov iz člana 14. Zakona za prijavu namjere koncentracije Konkurencijskom vijeću, u smislu člana 16. predmetnog Zakona.

Osnovna djelatnost Podnosioca prijave jeste djelatnost brokerskih društava.

Podnosilac prijave i sa njim povezana pravna lica nemaju supsidijarnih društava u Bosni i Hercegovini niti su do sada imali poslovne aktivnosti na tržištu Bosne i Hercegovine kao samostalni pravni subjekti.

### **2.2. Privredni subjekat Brokersko-dilersko društvo Senzal a.d.,Beograd**

Brokersko-dilersko društvo Senzal a.d. Beograd, je privredno društvo osnovano i registrovano u skladu sa zakonima Republike Srbije, sa sjedištem u Beogradu, Cincar Jankova broj 3, upisano u registar Agencije za privredne registre Republike Srbije pod brojem bd. 12869. dana 12.05.2000. godine.

Predmet poslovanja ovog društva jeste posredovanje u poslovima sa hartijama od vrijednosti.

Brokersko-dilersko društvo Senzal a.d. Beograd, ostvaruje prihode na tržištu Bosne i Hercegovine i to posredstvom Brokersko-dilerskog društva Senzal a.d. Banjaluka, Jevrejska bb, Banjaluka, koje je dana 18.01.2007. godine upisano u sudski registar Osnovnog suda u Banjaluci pod brojem 1-15831-00, a u kojem društvo Senzal a.d. Beograd posjeduje 56% dionica, odnosno njegov je većinski vlasnik.

Ukupno ostvareni prihod Brokersko-dilerskog društva Senazal a.d. Banjaluka na tržištu Republike Srpske u prvom kvartalu 2007. godine iznosio je (..)\*\* KM.

### 3. Analiza relevantnog tržišta

Relevantno tržište, u smislu člana 3. Zakona te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga, koje su predmet obavljanja djelatnosti na određenom geografskom tržištu. Relevantno tržište usluga u konkretnom slučaju jeste tržište pružanja usluga u poslovima posredovanja sa vrijednosnim papirima.

Budući da društvo Senzal a.d. Beograd kao učesnik koncentracije djeluje na teritoriji Bosne i Hercegovine posredno preko svog subsidijarnog društva Senazal a.d. Banjaluka odnosno s obzirom da ovo brokersko dilersko društvo posjeduje odobrenje za vršenje djelatnosti brokerskih društava izdato samo od nadležnih organa Republike Srpske te kao takvo djeluje tj. učestvuje samo u ukupnom prometu Banjalučke berze, relevantnim tržištem u geografskom smislu smatrat će se samo teritorija Republike Srpske.

Slijedom navedenog, pod relevantnim tržištem predmetne koncentracije podrazumijeva se pružanje usluga u poslovima posredovanja sa vrijednosnim papirima na teritoriji Republike Srpske.

### 4. Procjena koncentracije

Tržišno učešće društva Senzal a.d. Banjaluka, kao subsidijarnog društva učesnika predmetne koncentracije društva Senzal a.d. Beograd, određeno je prema učešću tog društva u ukupnom prometu Banjalučke berze, posredstvom koje ovo društvo vrši svoje usluge samo i isključivo klijentima u Republici Srpskoj i iznosi 2,04 %.

Tržišni udio na relevantnom tržištu najznačajnijih brokersko – dilerskih društava koja posluju na teritoriji Republike Srpske u Bosni i Hercegovini u 2006. godini je slijedeći:

Tabela 2.

Red. br.	Naziv konkurenta	Mjesto	Učešće u ukupnom prometu u 2006.god u %
01.	Hypo Alpe Adria Bank a.d.	Banjalučka	20,54
02.	Nova Banka a.d.	Bijeljina	18,22
03.	Eurobroker a.d.	Banjalučka	14,74
04.	Zepter Komerc Bnaka a.d.	Banjalučka	13,68
05.	Senzal a.d.	Banjalučka	<b>2,04</b>
06.	Ostali	-	30,78
	Ukupno	-	100,00

\*U analizi su korišteni podaci iz prijave i zvanični podaci banjalučke berze.

Konkurencijsko vijeće je nakon procjene i analize podataka i činjenica u postupku donošenja predmetnog rješenja cijeneći činjenice, utvrdilo da koncentracija predmetnih privrednih subjekata ne sprječava, ograničava niti narušava tržišnu konkurenciju na relevantnom tržištu, već ista osigurava pojačanu tržišnu konkurenciju u oblasti pružanja usluga u poslovima posredovanja sa vrijednosnim papirima u Bosni i Hercegovini.

Pri donošenju ove odluke Konkurencijsko vijeće posebno je imalo u vidu da ova koncentracija neće promijeniti tržišno učešće učesnika koncentracije na relevantnom tržištu pružanja usluga u poslovima posredovanja sa vrijednosnim papirima u Bosni i Hercegovini, s obzirom da je učesnik koncentracije, Senzal a.d. Beograd prisutan samo na tržištu Republike Srpske i to posredstvom brokersko-dilerskog društva Senzal a.d. Banjaluka.

Slijedom navedenog Konkurencijsko vijeće je ocijenilo predmetnu koncentraciju dopuštenom u smislu člana 18. stav (2) Zakona, te odlučilo kao u dispozitivu ovog Rješenja.

#### **5. Administrativna taksa**

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) pod (1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

#### **6. Pouka o pravnom lijeku**

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**Sanja Božić**